

BRANDWEERWA-VERSOEK

Mediaverklaring deur AfriForum, 12 Augustus 2020

AfriForum versoek reaksie vanaf Ngwathe Plaaslike Munisipaliteit oor gebrek aan brandweerwaens in Heilbron. Nadat AfriForum vroeër vanjaar 'n skrywe aan die Ngwathe Plaaslike Munisipaliteit gerig het om te versoek dat 'n bakkie, wat as Heilbron se brandweerwa dien, herstel word, is 'n vierde huis op 9 Augustus byna in puin gelaat toe 'n brand daar uitgebreek het. Hierdie skade moet vierkantig voor die deur van die munisipaliteit gelê word, wat versuim om die brandweerbakkie se herstelwerk te betaal sodat dit gebruik kan word om brande te blus. As dit nie was dat die gemeenskap met vuurvegters ingespring het om die brand te help blus nie, was hierdie huis ook Sondagaand totaal in puin gelê. Die AfriForum-tak in Heilbron het reeds in Mei 'n skrywe aan die munisipaliteit gerig waarin hulle gemaan word om vir die herstelwerk van die bakkie te betaal sodat dit gebruik kan word. Geen reaksie is egter op die skrywe ontvang nie. Intussen word amptenare betaal en geen diens word verrig nie. Die tak oorweeg regstappe indien hulle nie 'n antwoord ontvang nie. "Die huidige situasie waar daar geen brandweerwa in Heilbron is nie, is regtig kommerwekkend. Ek wil die mense wat hulle huise in brande verloor het aanmoedig om klagtes teen die munisipale bestuurder te lê sodat hy verantwoordelik gehou kan word vir die gebrek aan dienslewering," sê Alta Pretorius, AfriForum se distrikskoördineerder vir die Mooirivier.



JUSTICE FOR MEMPE

In the first week of June a beloved young girl was brutally shot outside her house in Phiritona of the Lahlamlenze section. The intruder came into the house of Lebohang Suzan (Mempe) Mokoena (23) demanding money and cellphones and attacked family members who tried to take possession of the firearm. During the struggle a shot went off and the intruder tried to flee the scene. Mempe went after him. As the rumours are spread now she shouted out the guy's name that caused her to be shot and killed instantly. Heilbron Herald spoke with Motsamai Kheswa that is the spokesperson for the Community Patrol. In the cooperation with the Welkom SAPS, the suspect was caught on Friday when he confessed to the murder of Mempe. The murder weapon is till thus far not found. He appeared in court on Monday when he then denied being guilty of the murder. The case was postponed until 24 August for bail application.

Remember all the local small businesses that you have asked for years and years to donate and sponsor your sports clubs, school events, organisations, etc?

They're calling in a favour. Answer the call!

Support local businesses!

Herald Office National



SEUN STERF NA BROMPONIE-ONGELUK

Hoërskool Reitz is in rou na die skielike afsterwe van 'n geliefde matrikulant, Hein Swart. Hy en sy vriendin, Christelle Cilliers was oppad na 'n OTM op haar bromponie nadat sy kaart nie wou werk nie. 'n Groep vriende was die middag by Poelanies-gastehuis in Reitz om melkskommel te gaan drink. Toe hulle moes betaal, het Hein se bankkaart nie gewerk nie en het hulle besluit om by die naaste kitsbank geld te gaan trek. Nadat hulle oor die straat gery het, het daar klaarblyklik 'n Volkswagen vanaf Bethlehem se rigting in die Sarel Cilliersstraat met 'n baie hoë spoed afgekom en hulle van agter af getref. Christelle se ma vertel dat 'n ooggetuie die ongeluk van sy erf beskou het en sê die slag was so hard dat die bromponie hoër as sy afdak deur die lug getrek het. Hulle valhelms is ook van hul koppe af geruk deur die slag. Hein is in die Medi-Clinic Hoogland in Bethlehem oorlede aan veelvuldige beserings nadat hy oorgeplaas is van Reitz Provinsiale Hospitaal, waar hy opgeneem was saam met Christelle Cilliers. Christelle was opgeneem vir waarneming maar is intussen ontslaan en sterk aan by haar ouerhuis met verskeie gesigbeserings en 'n gebreekte neus. Christelle is die dogter van Sarel en Chantell Cilliers van Petrus Steyn. Hein se ouers is Herkie Swart van Reitz en Sandra van Reenen van Bethlehem. Beide was matriekleerlinge aan Hoërskool Reitz, wat ook hul meegevoel op sosiale media gedeel het.

"Ons as skool en gemeenskap is in rou gedompel, maar berus in die wete dat ons Here nie foute maak nie. Só bemoedigend is die heerlike wete dat Hein sy Skepper geken het. Hein is lief vir die Here en die Here is lief vir sy kind. Ons innige meegevoel aan Hein se gesin, familie in besonder, maar ook sy mede-matrikulante, Hoërskool Reitz personeel, leerders en gemeenskap – almal wat die voorreg gehad het om Hein te ken en deel van sy lewe te wees."

"Ons loof die Here vir Christelle Cilliers se beterskap! Christelle was saam met Hein in die ongeluk. Sy het gisteraand in Bethlehem Medi-Clinic vir waarneming oornag. Ons is saam met Sarel en Chantell, hul gesin, familie en geliefdes dankbaar. Ons vertrou dat Christelle volkome sal genees."



Hein se begrafnis vind plaas vandag, 21 Augustus om 11:00 vanuit die NG Moederkerk in Reitz.